







4926.93


at present from

Lophia Byington to

Catharina & B. M. M.

H. P. 87

R B




CHAHTA

UBA ISHT TALOA.



BOSTON:
PRINTED BY CROCKER AND BREWSTER.
1829.



THE CHAHTA ALPHABET.

<i>Letters. Names.</i>			<i>Sounded.</i>
A	a	ah	as <i>a</i> in father, or in calm.
Ā	ā	aw	as <i>a</i> in what, wash, all.
B	b	be	
E	e	a	as <i>a</i> in ale, or <i>ey</i> in they.
F	f	fe	
H	h	he	
I	i	e	as <i>ee</i> in seen, or <i>i</i> in machine.
K	k	ke	
L	l	le	
M	m	me	
N	n	ne	
O	o	o	as <i>o</i> in note.
P	p	pe	
S	s	se	
T	t	te	
U	u	oo	as <i>u</i> in full, or <i>oo</i> in boot
Ū	ū	uh	as <i>u</i> in but, gun.
W	w	we	
Y	y	ye	
Ch	ch	che	
Sh	sh	she	

*Nasalized Vowels.***Letters. Names.*

<u>A</u>	<u>a</u>	ang
<u>Ā</u>	<u>ā</u>	awng
<u>I</u>	<u>i</u>	eeng
<u>O</u>	<u>o</u>	owng
<u>U</u>	<u>u</u>	oong
<u>Ū</u>	<u>ū</u>	ung

Diphthongs.

Ai	ai	i	as <i>i</i> in pine, bind.
Au	au	ow	as <i>ow</i> in now, how.

* Each of the nasalized vowels retains the sound of the corresponding simple vowel as exhibited in the scheme, but modified nearly as it would be by joining to it the English letters *ng*. Thus A a has nearly the sound of *ang* in *rang*; and the Ā ā has nearly the sound of *ong* in *long*.

CHAHTA ŪBA ISHT TALOA.

ŪBA ISHT TALOA 1. 11s.

- 1 Okla e moma kvt il itvnaha
Kato, pi nukhakla himak o, Chisvs
Chia ka, e chi anukchietoshke;
Pi nukhaklokbano e chi ahnishke.
- 2 Himak a nitak ano, Ūba Piki
Chia, chim anumpa pulla fena ka,
E chi haponaklo pi bana hochā,
Il itvnaha kvt pi yakohmishke.
- 3 Ūba Piki chitokaka chia ma,
Chiso holitopa Kilaist Chisvs fena,
Pulla tok mak ona, ish pi hollashke,
Ūlhpiesashke; ish pim ai ahnashke.
- 4 Yvmohmi pullakma, hvchi kanima
Hvchia hochā, Chisvs pulla kano,
Hvsh anukchieto tok mvt, hvch illi
Kia, ik illo chiyohma hi yoke.
- 5 Ūba Piki vt yak pim ahanchishke,
Hvchi nukshopa na; Ūno pullvshke,

Hvchi halvlli li ka, vm anumpa
Pulla ka hvchik i hofayo kashke.

6 Uba Piki Chihowa hochihifo
Kash ocha, vmanumpa pulla kano,
Hvsh haiyaklo kato hvchi yukpashke,
Ahanchi pulla kano, pi ai yukpa.

7 Kvna fena hocha Chisvs pulla ka,
Anukchieto tok fena hatukma,
Shitiyema la wa, ai ahni lishke.
Uba hvchiki sa fena hash ocha,

8 Okla hush puta hvchia hatukma,
Ahvchim anumpohonli li kato,
Ahanchi li pulla ka, hvsh haiyaklo;
Okla puta, ilvppak osh im vhli.

UBA ISHT TALOA 2. 8 & 7s.

1 Okla e puta pia kv̄t,
Uba Piki pulla ka,
Okla e puta pia mut,
Il ai yukpahanchashke.

2 Uno sa fena hokv̄to
Ai yukpahanchi lashke;
Uba Aki pulla hoka
Svbbak a ima lashke.

3 Si yakohmi hayak heto,
Sa chukv̄sh pulla hoka,

Ūba Aki pulla hoka,
Mominchit ima lashke.

4 A kanomi hŭchia ma,
Ūba yakni achukma
Ia hochā, vno banot
Yak o hikia lishke.

5 Is si akaiya pullashke,
Ūba ai achukma ka,
Aya la chi pulla hoke.
Iloh it a nowashke.

6 Chisŭs a binili hoka,
Iloh ia pullashke;
Shakba pohloma pulla ma
Eho foka pullashke.

UBA ISHT TALOA 3. C. M.

1 Ūno fena kŭt, Chisŭs a
In tŭshka sia hosh,
Hika li kŭt, hochihī fo
Anohonli li kŭt,

2 Sa hofaya he keyushke.
A miko Chisŭs vt,
Ūm ai asha ikbi hochā,
Ūbai ya ia tok.

3 Yŭmohmi tok o, inlai vt
Na palŭmmi puta

Pihisa hocha, aya hosh,
 Ūba Piki ano

4 Pihisa mak inli kano.
 Yvmohmi mvhli ka,
 Ūno ak ocha nantak o,
 Anukfilli la wa.

5 Ūba anumpa pulla ka,
 Sa nukfokak inli
 Ūm vhlpiesak inli kv̄t,
 Holitobli lashke.

6 Ai ahni bieka hocha,
 Ūm anukfillashke.
 Nitak kanima, fena ho
 Illi puta mv̄to,

7 Illi hosh a sv̄m vhlīkmv̄t,
 A si yvmohmikma,
 Shutik tabokaka fena,
 Pisa la hi yoke.

ŪBA ISHT TALOA 4. C. M.

1 Okla pi kanima hokv̄t,
 Pim anukfilla mv̄t,
 Hv̄pi nukhaklo fenv̄shke.
 Ola hv̄sh mintashke.

- 2 Chisvs pulla fena hochā,
 Hupi chukvsh oka,
 Nuktalala hinla hona,
 Hvchik mihintoshke.
- 3 Ik kaniohmi ho kia,
 Chisvs pulla hoka,
 Hvchik i hofayo kashke.
 Ola hush mintashke.
- 4 Hatak e hikia moma,
 Himak a fena ka,
 Chisvs pulla shilombish vt,
 Pi chukvsh pulla ka,
- 5 Hoyo vlhpiesa hochā,
 Pi chukvsh atukma,
 Ant asitia pulla ka,
 Il ema pullashke.
- 6 Chisvs pulla sa chukvsh a,
 Ima li pullashke;
 Eho moma, kiloh achi,
 Chisvs pulla hoke.

ŪBA ISHT TALOA 5. L. M.

- 1 Himak a nitak fena ka,
 Ūba anumpa ilvppvt,
 Hatak yak hikia li ka,
 Sa chukvsh fena atukma.

- 2 Ant aiokpahanchi hona,
Sa nukpulli fena hochā,
Himak a nitak fena ka,
Ūba Aki atukmano,
- 3 Hoyo hochā, si yakohmi.
Ūba anumpa iluppa,
Ik sa nukfoko hokato,
A sa nuktala he yano,
- 4 Ahauchi li keyu mut,
Yahaya bieka hochā,
Nitak taloha puta ma,
Yoshoba bieka hochā,
- 5 Yak aya li cha tok kia,
Chisus holitopa hochā,
Ūno ak a he tuk oke;
Is si anukchietashke.
- 6 Ūm ahanchi pulla mutto,
Chukush hanta achukma ka,
Sa nukfoki pulla hona,
Ai okpahanchi li fenushke.

ŪBA ISHT TALOA 6. L. M.

- 1 Okla puta pia hato,
Hupi chukush okpulo a,
Katiohmi cho? Ai ahnit
Anukfillit, keho pesa.

2 Hupi chukvsh okpulo ash,
Nan okluha puta kano,
Isht pi hofahya li fena;
Chukvsh achukma pi bvnna.

3 Piki Ūba ma, pi hollo,
Pilbvshvshke. Ūba Piki
Chim anukfila achukma,
Isht ish pi aiyukpvchashke.

4 Chim anukfila nitaki
Pima hinla, e chi ahni;
Pilbvshvshke, Ūba Piki.
Ūba Piki ma, pi hollo.

5 Chisvs pulla tok makona,
Hina hanta pima hinla;
E chi ahni; Ūba Piki
Pi shilombish vt chimmishke

UBA ISHT TALOA 7. S. M.

1 Okla puta hato
Chukvsh vt okpulo;
Chukvsh achukma pi bana,
Ūba Piki chohmi.

2 Chisvs vt pi hollo,
Ūba hatak oke;
Im anumpa okla moma
Kiloh im ihī shi.

3 Uba Piki ato
 Ho minti, ahanchi;
 Momvt Uba Piki ano,
 Pisvt kiloh ia.

4 Chukvsh achukma ka
 Pima hinla pulla.
 Nana achukma fena ka,
 E pisa hinlashke.

5 Hatak chi kanima
 Ulbvl ish toba na;
 Chi chukvsh okpulo ano
 Hvsh kanchi pullashke.

UBA ISHT TALOA 8. C. M.

1 Himak nitak fena kano,
 Il itvnaha kvrt,
 Chisvs chim anumpa hona,
 E chi hohoyoshke.

2 Ish pi nukhaklo pullashke;
 Uba Piki chia
 Pulla hokvt, pi nukhaklo,
 Hvpi nuktvlashke.

3 Chi shilombish achukma kvrt,
 Himak nitak fena
 Hoka, ayvt pim vla he;
 Ish pim ai ahnashke.

4 Chim anumpa pulla hokvt,
 Pi chukvsh pulla ka,
 Ishi pulla himak ona,
 Ishi pim ai ahnashke.

5 Yvmohmi pulla tok mvno,
 Hvp̄i ihilikmvto,
 Uba achukma hokano,
 Il ia hi yoke.

6 Okla e moma puta kv̄t,
 Ik hv̄pillo hoch̄a,
 Nantak ona e toba wa,
 Chisvs̄ kil i yimmi.

7 Chisvs̄ ik i yimmo tukmv̄t,
 Luak chito hona,
 Nan ishtahollo okpulo,
 E pisa hi yoke.

UBA ISHT TALOA 9. P. M.

1 Okla moma haponaklo
 Chisvs̄ im anumpa ha;
 Nanuha ka chim vlhtaha,
 Im anumpa haiyaklo.
 Chisvs̄ ato, Chisvs̄ ato,
 Pi nukhaklo fena tok.

2 Okla ilbv̄sha pia hv̄t,
 Chisvs̄ pulla fena ka,

Il im ilbusha pullashke;
Pi okchalinchi yoke.

Pi nukhaklo, Pi nukhaklo,
Chi shilombish vt ikla.

3 Chisus fena chia hona,
E chim ilbusha fena,
Chim ilhfiyopak achukma
Et ish pima pullashke.

Chishno pulla, Chishno pulla,
E chi anukchetoshke.

4 Nantak ona e toba wa,
Pilli pulla chi hoke,
Hvpin chuka achvfai yvt
Illit pin taiyaha tok.

Chisus ano, Chisus ano,
Il i yimmi pullashke.

5 Chisus ik i yimmo tuk mvt,
Luak chito pisa he,
Luak vto nitak nana
Issa he keyu hoke.

Chisus pulla, Chisus pulla,
Pi okchalinya hinla.

6 Hatak pi kanima hocha
Achukma e pesa he,
Ubai yato ai achukma
Iloh ia pullashke.

Chisvs ano, Chisvs ano,
Eho pesa pullashke.

UBA ISHT TALOA 10. H. M.

1 Ūba anumpato.
Holitopa fena,
Ahli biekvshke,
Il it haiyanvshke.

Pi anukfoka tok mak osh,
Pi okchaya hinla pulla.

2 Ūba Piki ato
Ūba anumpa ha,
Okla moyuma ka,
Im a pihisvshke.
Chahtokla to haklok mak o,
Ūlhpiesa he tuk oke.

3 Ūba anumpa to
Nana achukma ka,
Pim abahanchishke.
Il it haiyanvshke.
Chukvsh isht ai ahli fena,
Yimmikbano il ahnishke.

UBA ISHT TALOA 11. H. M.

1 Chisvs achukmvshke.
Pi hollo fenvshke.
Pi okchalinchhi hosh,

Pi vlhtobyt illi tok,
 Chisvs pi shali chia ma,
 E chi ai okpahanchishke.

2 Pin chitokakai yosh,
 Uba anumpa ha,
 Pi hima tok oka,
 Il anihinchashke.
 Chisvs pi shali chia ma,
 E chi ai okpahanchishke.

3 Chisvs im anumpa,
 Achukma bano ho,
 E haiyaklo kak osh,
 Pi yukpa fenushke.
 Chisvs pi shali chia ma,
 E chi ai okpahanchishke.

4 Chisvs im anumpa,
 Pi chukush fena ka,
 Anukfoka tuk ma,
 Pi okchaya pulla.
 Chisvs pi shali chia ma,
 E chi ai okpahanchishke.

5 Chihowa ushi ma,
 Et ish pi hollashke.
 Pi shilombish fena
 Ish okchalinchashke.

Chisv̄s pī shali chia ma,
E chim ilbv̄sha fenv̄shke.

6 Chukv̄sh himonai a
Et ish pihimashke.
Chukv̄sh yoshobai a
Isht ish pī kanchashke.
Ckisv̄s pī shali chia ma,
E chim ilbv̄sha fenv̄shke.

UBA ISHT TALOA 12. H. M.

1 Ūba anumpuli
Ai ahli fena ka,
Okla e moyuma,
Ish pikbi pullashke.
Chisv̄s pī shali chia ma,
E chim asilhha fenv̄shke.

2 Okla e moma ka
Ish pi nukhāklashke.
Pi okchaya takla
Ish pi yukpalashke.
Chisv̄s pī shali chia ma,
E chim asilhha fenv̄shke.

3 Nitak kanima hō
Ik pihinlo ka wa;
Pihinla he pulla
Il ikhaiyanashke.

Chisvs pi shali chia ma,
Auet ish pi nukh_haklashke.

4 Nitak pilli hokma
Pi shilombish moma,
Chi yakni v_hbai a,
Isht ish oyunashke.

Chisvs pi shali chia ma,
Ahnit e chim ilbvshvshke.

5 Yvmma il onakmvt,
Nan isht il ai yukpa,
Ai ahli fena hosh,
Il ashwa hi yoke.

Chisvs pi shali chia ma,
Auet ish pim ai ahnashke.

UBA ISHT TALOA 13. L. M.

1 Nitak hollo moma kak osh,
Chihowa i nitak oke.
E moma kv_t achukma hosh,
Holitoblit kil ai asha.

2 Himak nitak fena kvto,
Chihowa i nitak oka,
Uba anumpa holitopa
Haklot il itvnahvshke.

3 Yakohmit e chieya na,
Uba anumpa fena ka,

Haklot il ai asha kak osh,
Pi chukvsh vt yohukpvshke.

4 Piki vba binili ka,
Ke peso ak inli kia,
Im anumpa e haklo hosh,
E pisa chiyuhmi hoke.

5 Piki vba binili kvrt,
Achukma bieka hoka,
Hatak ilbvsha pia kvrt,
Il anukcheta hi yoke.

6 Holitopa bieka ho,
Hatak yoshoba pia hvrt,
Nitak moma, ninak moma,
Il im anumpohonlashke.

7 Vba Piki Chihowa ma,
Yakni ish ai ahanta ka,
A holitopa kai yoke;
Pisa he pi bahanvshke.

8 Pillikmvt yakni vbai a,
Chisvs ai ahanta hoka,
Chukowa he il ahni hosh,
E chim asilhha fenvshke.

UBA ISHT TALOA 14. 7s.

1 Vba Piki okchaya
Im okla hvchia ma,

Himak nitak fena ka,
E chi ai okpanchishke.

2 Hatak pi yoshoba mut
Ai okhlileka bano,
Il ai itanowa to,
Pilbusha biekushke.

3 Pi yoshoba tok ak osh,
Nana ai achukma ka,
Nan isht il ai yukpa ka,
Kil ithano pullashke.

4 Pi yvmohmi cha tok kia,
Chisus pi nukhaklo cha,
Pi apelahanchi na,
Pi chukush vt yohbishke.

5 Il ai ahni atuk osh,
Chisus i hina hanta,
Foyuka pi banushke;
E chim anohonlishke.

6 Chisus i kana puta,
Iba holhtinakbano,
Il ai ahni pulla hosh,
E chi ai okpanchishke.

7 Ub anumpuli iksa,
Himak nitak fena ka,

Iba foyuka chi hosh,
Yakot e hielish ke.

8 Chisvs Kilaist pi shali ma,
Ish pi ai okpanchashke.
Ish pi halanli pulla;
E chim ahni banoshke.

UBA ISHT TALOA 15. 8 & 7s.

1 Hatak pi kana puta ma,
Chibbak e halanli hosh,
E chi ai okpahanchishke;
E chi hollo fenushke.

2 Himak nitak fena hoka,
Ish piba foka hona,
Ulhpiesa, ai ahni te,
E chi holitoblishke.

3 Pi kana hvchia pulla,
Uba ai achukma ka,
Ish pi akaiya pulla na,
Pi ai yukpa pullashke.

4 Nitak moma himak pilla,
Il iti halvllashke,
Achukmali pulla hocha,
Il iti hoyullashke.

- 5 Chisvs pi shali chia ma,
Okla e moma hoka,
Ish pi ai okpahanchashke,
Ilvppak osh im v̄hli.

UBA ISHT TALOA 16. L. M.

- 1 Uba Piki binili ma,
Ish pi nukhaklo pullashke.
Pim anukfilvt okpulo,
Pilvsha fiena hoke.
- 2 Pi chukvsh vt ik achukmo,
Hatak yoshoba pia hv̄t,
Chi hina hanta achukma,
Il ithaiyana keyushke.
- 3 Nanta isht il ai yukpa hosh,
Pishno ak int il āsha wa.
Pi chukvsh vt okpulo hosh,
Pi hotohumpa fenvshke.
- 4 Pishno vt okpullo kakosh,
Nitak cheki pilli pulla;
Pillikmvt, ai ilvsha ka.
Yakn' okpulo il ona he.
- 5 Piki Uba Chihowa ma,
Achukma fena chia hosh,
Okla ilvsha e moma,
Pi hollot ish pi nukhaklo.

- 6 Pim anukfila okpulo,
 Chukvsh ashvchi alota;
 Nana moma ik achukmo,
 Ish pi kashofi pullashke.
- 7 Chukvsh ai ahli pi bana,
 Chukvsh himona et pima,
 Piki ma, ish pi nukhaklo;
 Ai ahnit e chim ilbvsha.
- 8 Ish pi halanli pullashke,
 Nitak moma ish pi hollo,
 Pi chukvsh a e chihima,
 Mominchi hosh ish ishashke.

UBA ISHT TALOA 17.

- 1 Hatak hvsh puta ma,
 Ho minti, ho minti,
 Hatak hvsh puta ma, ho minti;
 Hatak hvsh puta ma,
 Yakni achukma kvv,
 Uba talaiuvshke.
 Ho minti, ho minti.
 Uba talaiuvshke, ho minti.
- 2 Hatak hvsh moma ma,
 Ho yimmi, ho yimmi,
 Hatak hvsh moma ma, ho yimmi;
 Hatak hvsh moma ma.

Chisvs im anumpa
 Hush yimmi pullashke;
 Ho yimmi, ho yimmi,
 Hush yimmi pullashke, ho yimmi.

3 Okla e moma kvt,
 Kil ia, kil ia;
 Okla e moma kvt, kil ia;
 Chisvs pi hollo hosh
 Pi 'lhtobvt illi tok.
 Chisvs ilapinli
 Kil ia, kil ia,
 Chisvs ilapinli, kil ia.

4 Hatak e moma kvt
 Ke yimmi, ke yimmi,
 Hatak e moma kvt, ke yimmi,
 Chisvs im anumpa
 Pim apesa tok a
 Iluppa moma ka,
 Ke yimmi, ke yimmi,
 Iluppa moma ka, ke yimmi.

5 Nana achukma ka,
 E pesa he, e pesa he;
 Nana achukma ka, e pesa he;
 Chisvs ai ahanta
 Yumma il onakmvt,
 Nana achukma ka

E pesa he, e pesa he,
Nana achukma ka, e pesa he.

6 Yumma il onakmut
Pilla wa, pillā wa,
Yumma il onakmut, pillā wa;
Yakni achukma ka
Yumma il onakmut
Il anta bilia,
Pilla wa, pillā wa,
Il anta bilia, pillā wa.

UBA ISHT TALOA 18. C. M.

- 1 Himak nitak fena hoka,
Pim anukfila ha,
Ish pi kashofi pullashke;
Chisus pi shali ma.
- 2 Uba Piki Chihowa mut,
Nitak hopaki kash,
Ik yumohmi, ish ahni na,
Hatak e toba tok.
- 3 Shilombish holitopak osh,
Nitak tikba mak o,
Ik yumohmi, ish ahni na,
Chisus ut toba tok.
- 4 Yumohmi pulla tok oke.
Chihowa ushi mut,

Im anumpa holitopa,
Hatak a ima tok.

5 Chisvs pi shali chia ma.
Chukvsh holitopa,
Auet ish pima pullashke;
E chim ilbvshvshke.

6 Himak nitak fena hoka,
Uba anumpa ha,
Haklo pi bvna fena hosh,
Il itvnahvshke.

7 Uba Piki Chihowa ma,
Chim anump eshi a
Aboha hanta ilvppa,
Il ai ita fama.

8 Pit e chim anumpohonli,
Auet ish haklashke,
Shilombish holitopai a,
Ish pi nukfokashke.

9 Pi chukvsh yoshob' okpulo,
Ish pi nukhaklashke.
Chi chukvsh chohmi pi bana,
E chim ilbvshvshke.

10 Hatak yoshoba shilombish
Ish okchalinchashke;

Uba Piki Chihowa ma,
Auet ish haklashke.

UBA ISHT TALOA 19. 7s. A. W.

- 1 Uba Miko pulla ka,
Im vlla hvchia ma,
Taloa holitopa
Hvsh taloa pullashke.
- 2 Hvsh talohowa hokvt,
Chisvs hvchi hohullot
Hvchi okchalinchika,
Hvsh im aniechashke.
- 3 Hvchishno fena kvto
Uba aholitopa,
Hvsh ai ahanta he vt,
Hvsh ai ita nowvshke.
- 4 Uba Miko im vlla
Chashpo, atihya tok,
Mih hina hanta fehna,
Hvsh ai ita nowvshke.
- 5 Uba Miko im vlla
Chi tikba aya tok vt,
Ubai ya ont anta kvto,
Nan isht il aiyukpvshke.
- 6 Chishno vt iakaiyvt,
Uba ya hvsh ona cha,

Nan isht il aiyukpa ma,
Hvsh pi hisa hi yoke.

7 Ubai ya hvsh onakmut,
Chisvs a binili ka,
I bilika fehna ka,
Hvsh binila hi yoke.

8 Himonasi fehna ka,
Uba a holitopa,
Hvsh a binila hi vt,
A chim vlhtaha chishke.

9 Yvmohmi pulla hoka,
Chisvs holitopa ma,
Pi tikba ish hikashke;
Iloh iakaiyashke.

UBA ISHT TALOA 20. 7 & 6s.

1 Nitak nanta fenak o,
Yakni 'lvppa issvt
Uba a holitopa,
Ona la hinla cho?

2 Nitak nanta fenak o
Chisvs fehna hona
Ont pisvt iba takla
Binili la chi cho?

3 Chisvs ai asha mak o,
Ona li hok mut o,

Si achukmaka he, peh
Bilia hi yoke.

4 Himonasi fena ka,
Uno sa fehna hosh,
Chisvs intvshka hoch
Hikia li hoke.

5 A miko Chisvs ato
Tikba hikvt aya
Hoch, nana a mihvt
Yak vm ahanchishke.

6 Ik chi nukwio kashke;
An tvshka chia hvrt,
Vm anumpa ha kvllot
Ish a halanlashke.

7 Yvmohmi pulla tok ma,
Uno sa fehna hosh,
Chisvs a miko fehna
Iakaiya la he.

8 An Chisvs fehna hona
Iakaiya li kvrt,
A svlli hok makhetto,
Sa nukwia ha wa.

9 An Chisvs fehna hona,
I sa hofaya wa;

Si okchaya taklak osh,
Ia kaiya la he.

10 Chisvs holitopa ma,
Is si apelakma,
Si okchaya taklak osh
Chim ai ahli la he.

UBA ISHT TALOA 21. 11 & 3.

1 Ub' anumpa hanta kvt mihintishke,
Ik pim vlhtaiyaha hochu,
Pi miko Chisvs holitopa hona,
Il ai okchaya pullashke.

2 Chisvs pi miko vt pi hullo hochu,
Ant pi vlhtobvt illi tok.
Yohmi kvt, issish holitopa hona,
Ant hvpihima tok oke.

3 Yohmi kvt, pi nukhaklo fehna hochu,
Hatak e moyuma hokvt,
Pi okchaya bilia himak ona,
Pi vlhtoba hosh illi tok.

4 Yvmohmi tok osh, pi miko Chisvs vt,
Auet hvpi hohoyoshke.
Yvmohmi ka himak nitak fehna ka,
Im anumpa ha ke haklo.

5 Himak a ik hvpi nukhtaiyala cha,
Oklushi eho moma kvt,

Chisvs atihya tok pulla hona,
Il iakaiya pullashke.

6 Uno sa fehna hokvto, Chisvs a
Halvlli li fehna hochu,
A yakni issvt ia hosh, vbai ya
A ya la chi pulla hoke.

7 Aki pulla vba binili hochu,
Et sa halanli fehna na,
A holitopa yoka, talohovt,
Iba chukowa la chishke.

UBA ISHT TALOA 22. C. P. M.

1 Himak a nitak fehna ka,
Okla eho moma hokvt,
Chisvs fehna hona,
Im anumpa holitopa
Nan isht il il ai yukpa he,
E haklo pullashke.

2 Chisvs Uba Piki Ushi
Hvpi hullo fehna hochu,
Hvpi hohoyoshke.
Himonasi fehna kano,
Et pi pesvt pi nukhaklot
Yak pim ahanchishke.

3 Himak a nitak fehna ka,
Um anumpa hanta hoka
Chi yimmi pullashke.

Ŭno ak osh hŭchi hullot
Chi okchalinchi la chi kŭt,
Ŭm ŭlhtaiyakŭshke.

4 Ŭno ak osh hŭchi hullot
Hŭchi okchalinchilashke;
Ai ahni le tuk ŭt,
Ŭba a holitopai ya
Aki shakba pohloma ma,
A minti le kano.

5 Mikmŭt yakni 'lŭpp' ŭla cha
Chi ŭlhtobŭt issikopŭt
Sŭlli hŭt tok oke.
Si ai yŭmohmi tok mŭto,
Chi okchalinchi la chi kŭt
Ŭm ŭlhtaiyahŭshke.

6 Yŭmohmi ka, Ŭno ak o
Hŭs si anukchetashke;
Hŭsh yŭmohmikŭto
Sa shakba pohloma hoka,
Fohkŭt hŭsh ai ahanta na
Bilia hi yoke.

ŬBA ISHT TALOA 23. L. M.

1 Chihowa holitopa ma,
Ŭmmi fehna chia hoke,
Ŭmmi fehna chia hoka,
Nan isht il ai yukpa lishke.

2 Nana inla yokak heno
Isht si ahalaiya keyu;
Chishno ak bieka hona
Chim antia sa bunnvshke.

3 Aki pulla chia hokvt,
Ubai ya yakni achukma,
Nitaki bieka hona
Issum a tahli tok oke.

4 Yvmohmi pulla tok muno;
Yakni 'luppa issa likmvt
Uba yakni nitaki ma
Ont chukowa la hi yoke.

5 Yvmma ona li hokmvtto,
Chihowa a binili ka,
Bilikasi fehna kano,
A binili la hi yoke.

UBA ISHT TALOA 24. C. M.

1 Chahta okla hvpia hvrt
Uba 'numpa hanta
Chisvs vt pim auechi ka,
Achukmvt ke haklo.

2 Chisvs holitopa hokvt
Hvpi hollo hochu,
Hvpi okchalincha chi kvrt,
Im vlhtaiyahvshke.

- 3 Chihowai a a mihintit
Yakni 'lupp' ula cha,
Hatak yoshoba moma ka
Ulhtobvt illi tok.
- 4 Ibbak, iyi, 'tatuklo ka
Iti taiyukhuna,
Ahonahlvt nukhahvmit
Illi hvvt tok oke.
- 5 Pishno inli pi okchaya
Bilia himak o;
Chisvs fehna hosh yakohmit
Ilbvsha tok oke.
- 6 Ik pi hollo ke tuk okmvt
Ilap inli hocha,
Pi vlhtobvt issikopvt
Illa he tuk awa.
- 7 Yvmohmi pulla tok mvno
Himak nitak ano,
Chisvs a hvpi yimmi cha
Hvpi okchayvshke.

UBA ISHT TALOA 25. L. M.

- 1 Okla eho moma hokvt
Hvpi chukvsh okpulo a,
Katiohmi cho? ai ahnit
Eho piesa pullashke.

2 Hvp̄i chukvsh okpulo vt,
Nan okpulo okluha ka,
Isht pi a hofahyalishke;
Chukvsh yuhbi pi bunnvshke.

3 Piki Ūba Chihowa ma,
Okla pilbvsha fehnushke.
Chim anukfila achukma,
Isht ish pi ai okpvchashke.

4 Chim anukfila nitaki,
Auet ish pima pullashke.
Chihowa holitopa ma,
Ish pi nukhaklo pullashke.

5 Chisvs pulla tok mak ona,
Hina hanta ish pimashke;
Ūba Piki Chihowa ma,
Ish pi hoyullo pullashke.

ŪBA ISHT TALOA 26. C. M.

1 Himak nitak fena hoka
Il itvnaha kv̄t,
Chisvs chim anum̄pa hona
E chim ai ahnvshke.

2 Pi okchal̄inchi chia ma,
Pim anukfila ha
Ish pi yuhbechi pulla na
Pi nuk̄taiyalashke.

3 Chi shilombish achukma hvt,
 Himak nitak oka,
 Pim aya he pulla hoka
 Ish pim ai ahnashke.

4 Chim anumpa vba hokvt
 Pi chukvsh pulla ka
 Yuhbiecha he mak ona
 Ish pim ai ahnashke.

5 Yvmohmi pulla tok mvno
 Okla pillikmvto
 Uba ai achukmaka ya
 Il ia hiyoke.

6 Okla eho moyuma kv
 Ik hvv illo hocha
 Nanta hona e toba wa;
 Hv illa hiyoke.

7 Chisvs ik i yimmo tok mv
 Haknip vt illikma,
 Im ishilombish okvto
 Lvvt ilbvsha he.

8 Chisvs Chitokaka oka
 I yimmi tuk mvto,
 Aholitopa vba ya
 Chukowa hi yoke.

UBA ISHT TALOA 27. P. M.

1 Chisvs im anumpa hoka,
Okla momvt hohaklo;
Nanuha kv̄t vlhtahvshke:
Im anumpa ha haklo.

Chisvs okvt
Pi okchalinchi oke.

2 Okla ilbvsha pia hv̄t,
Chisvs holitopai ya,
Iloh i yimmi pullashke;
Hv̄pi nukhaklo hoke.

Chisvs okvt
Pi okchalinchi oke.

3 Chitokaka Chisvs oka
Iloh im antiashke:
Hv̄pi okchalinchi oka,
Eho holitoblashke.

Chisvs okvt
Pi okchalinchi oke.

4 Nantak ona e toba wa;—
Pilli pulla chi hoke.
Chisvs iloh i yimmi cha,
Pi okchaya pullashke.

Chisvs okvt
Pi okchalinchi oke.

5 Chisvs ik i yimmo tuk mut
 Luak chito ia he;
 Chisvs a i yimmi tuk mut
 Uba yoka ia he.

Chisvs okvt
 Pi okchalinchi oke.

6 Okla hupi moma hokvt,
 Uba a holitopa
 Pit iloh ahni pullashke:
 Ai achukmakai yoke.

Chisvs oka
 Eho pisa pullashke.

UBA ISHT TALOA 28. S. M.

1 Sa shilombish ato,
 Uba Aki ano,
 Hoyo hochā yakohmishke:
 Imali pullashke.

2 Sa shilombish ano,
 Chisvs fena hoka,
 Shakba hanta pulla hona
 Himak a fena ka,

3 Afoka pullashke;
 Ai ahni beka hosh,
 Si akohomi fenvshke.
 Chisvs pulla hona,

4 Ūno sa fena kṽt
 Iyakayalashke;
 Ai ahni li pulla hocha,
 Si akohomishke.

5 Okla hṽsh puta ma,
 Hṽsh minti pullashke:
 Yakni achukma vbai ya
 Il aya pullashke.

6 Ūba holitopa
 Ai asha ahli kṽt,
 Ūbai ya talaia hona
 Aya la chi hoke.

7 Iloh ita nowa
 Pulla hi mak ona,
 Ahni bieka pulla hosh
 Yak hikialishke.

ŪBA ISHT TALOA 29. L. M.

1 Iloh itibapishi ma,
 Ūba yakni achukma ka
 Aya la chi fena hocha,
 Hṽchi yukpahanchilishke:
 Okla hṽsh chiyṽshke,
 Okla hṽsh chiyṽshke.

2 Yakni iluppa, ai utta
 Ik sum iksho ha tok ocha,
 Uba yakni fena hona
 Aya la chi fena hoka,
 Okla hush chiyushke, &c.

3 Nanuha kut um ulhtaha
 A si yumohmi fena hosh,
 Aya la chi sa fena ka
 Ai ishtaiyopi fena ho,
 Okla hush chiyushke, &c.

4 Iloh itibapishi ma,
 Tikba ayalachi hokut,
 Ishtaiyopi fena hona,
 Huchi yukpahanchilishke,
 Okla hush chiyushke, &c.

5 Himak a nitak fena ka,
 Chihowa fena hatok ma,
 Ushi Chisus aiena ka,
 Pisa la chi nitak oke.
 Okla hush chiyushke, &c.

6 Shilombish holitopak osh,
 Uba yakni achukma ka
 Aya la chi pulla hoka,
 Um anohonli pullashke.
 Okla hush chiyushke, &c.

- 7 Iloh itibapishi ma,
Aya la chi sa fena kvt
 A sa nukhaklo fenvshke;
 Hvsh ahashwa makinlashke.
 Okla hvsh chiyvshke,
 Okla hvsh chiyvshke.

UBA ISHT TALOA 30. S. M.

- 1 Aki Chihowa ma,
 Himak okhlilika,
 Chiso ilbvsha sia hvrt
 Pit chihoyo lishke.
- 2 Chishno pulla kak o,
 Sa okchahayvshke:
 Is sa halanli hatok o,
 Ik svllo kishvshke.
- 3 Himak nitak oka,
 Nana achukma ka,
 Is svm ai ahni ha tuk o,
 Um achukma hoke.
- 4 Anukfilli li kvt,
 Sa yukpa fena hosh,
 Pit chi ai okpahanchi hosh
 Ahanta li hoke.

5 Nan ai ashvcheli
 Puta moma hoka,
 Is sa kashofi pullashke
 Chihowa Aki ma.

6 Himak okhlili ka,
 Svlla he tok ocha,
 Si ai illi hok mak heno,
 Is sa halvllashke.

UBA ISHT TALOA 31. C. M.

1 Himak onnahinli hoka,
 Sa okchaya hokvt,
 Ūba ishtaloe 'chukma
 Taloe la chish ke.

2 Achukma sa nusi kak osh
 Ūm vllhpiesvsh ke:
 Ūba Piki pulla kak o,
 Yvmohmi pullvshke.

3 Ūba Piki pulla hoka,
 Himak a fena ka,
 Pit ahninchit, holitoblit,
 Im antia lashke.

4 Si yvmohmi pulla hochu,
 Nitak moma hoka,

Anukfihinli li hokvt
Shoyuhbi pullashke.

5 Nitak vt vm ai vvhlik mvt
Vm vvhpiesashke:
Chisvs ai a hanta fena
Ont ahanta lashke.

6 Chisvs si okchalinchi ma,
Ik yvmohni pulla;
Et is si ahni pullashke,
Chim ai ahni lishke.

UBA ISHT TALOA 32. S, S, & 6s.

1 Chihowa Chitokaka ma,
Himak nitak fena hoka
Pit chim ilbvsha hosh,
Hatak il ai asha hoka
Auet pi apelak bano,
E chi ahni hoke.

2 Himak nitak fena kano,
Hatak chim vlla laua kv̄t,
Iki chia hoka,
Pit chim anumpohonli hosh
Ai asha pulla hokano,
Ish i nukhaklashke.

3 Uba Piki Chihowa ma,
Okla puta moma hokvt

Chimmi biekvshke:—
 Ik yvmohmi nana kia,
 Ik chithano kisha hokvt
 Lau vt ai ashvshke.

4 Ai okhlileka fena ka,
 Ai asha bieka hosh
 Ilbvsha fenvshke.
 Ish i nukhaklo pulla cha,
 Chim anumpa holitopa
 Ish ema pullashke.

5 Chisvs vt, okla moma ka,
 Vltobvt illi tok oke.
 Yvmohmi tok oka,
 Chihowa Chitokaka ma,
 Shilombish holitopa 'no
 Auet ish pimashke.

UBA ISHT TALOA 33. P. M.

1 Uba Chihowa ma,
 Chim okla pia kv̄t,
 Himak nitak fena hoka,
 Il itahoba hosh,
 Pit chim anumpulit
 Yakohmit e chieyvshke.

2 Okla puta moma
 Iki chia kak osh,

Et ish i nukhaklokbano;
 Ahnit, chishno yak o,
 Pi chukush mominchit
 Isht e chim asihihlushke.

3 Oklushi laua kut,
 Chim anumpa hoka,
 Ik chi haklo kisha kak osh
 Yoshoba biekut,
 Ai okpuloka ma,
 Ilhkolit maya fenushke.

4 Uba Pi Shali ma,
 Ish i nukhaklo cha,
 Chim anumpa ish ema na,
 Chukush fena hoka
 Nukfoka pullashke;
 Il ai ahnishke, Piki ma.

5 Oklushi moma ka,
 Chisus chiso hoka,
 Ish ema he tok mak oka;
 Ik yumohmi pulla,
 Il ahni fena hosh,
 E chim asilhha fenushke.

UBA ISHT TALOA 34. L. M.

- 1 Himak nitak fena hoka,
Hvpi chukvsh pulla kano,
Uba Piki pulla mak o,
Mominchit iloh imashke.
- 2 Iloh iti halvlli cha,
Achukma bieka hochu,
Hina hanta achukma ka
Eho foyuka pullashke.
- 3 Hina pvtha ako kvto
Luak chito fena yak o,
Okhisa chito fena ho,
Ont a chukohoa hoke.
- 4 Yvmma iba chukoa tok mvt
Ai ilbvshvt bilia he;
Nitak nana fena mak o,
Kuchvt, hikia he keyu.
- 5 Luak yvmma fena kano
Kiloh i sanalo kashke;
Ik hvpi kostino hok mvt
Eho chukoa hinlvshke.

UBA ISHT TALOA 35. L. M.

- 1 Ulla puta hvchia ma,
Uba Chiki oh ikhvna;

Hvchi yvmohomi tok mvt
Nitak hvchi falaiashke.

2 Anumpa holabi ato,
Hvchi sunlvsh ak o kuno,
Okpulot ik atobo hosh,
Ik a kuhuncho pullashke.

3 Nan isht akanomi ano
Hvsh i filvmmi pullashke;
Ai achukma bieka ho
Ikhana hvchi bvnashke.

4 Hvsh yvmohmi tok ok ma,
Uba Hvchiki pulla kv
Et hvchi nukhaklo hochu,
Chi okchalincha hioke.

UBA ISHT TALOA 36. P. M.

1 Piki holitopa
Chihowa,
Piki Chihowa ma,
Hatak pilbvsha hosh
E chi hohoyoshke;
Piki ma.

2 Il a yoshoba 'to
Pin laua:
Il aheka yoka

Ish pi kashofashke;
E chim asilhhvshke,
Piki ma.

3 Chi Shilombish okvt
Ulashke:
Pi chukvsh fena ho
Ish pi nukfokashke:
Chi Shilombish okvt
Ulashke.

4 Chukvsh homonai a
Et pima:
Chukvsh ai ahli ka
Et ish pihimashke;
E chim ilbvshvshke,
Piki ma.

5 Nana achukma ka,
Pibana:
Nan isht il ai yukpa
Uba ai asha ka,
Et ish pihimashke,
Piki ma.

6 Ish pi nukhaklashke,
Chisvs ma,
Pillikma, vbai a,

Hvpi shilombish a
Ant isht ish iashke,
Chisvs ma.

UBA ISHT TALOA 37. 10, 7, 8, 7, 9.

- 1 Chisvs achukma, Chisvs achukma,
Chisvs achukma hoke.
Chisvs vt hvpi hollo hosh
Pi vlhtobvt illi tok:—
Yvmohmi pulla tok mak oke.
- 2 Hatak ilbvsha, hatak ilbvsha,
Fena hvpia hoke.
Chisvs im anumpa yoka
Akobvffi pia hosh
Pi yoshoba okpulo yoke.
- 3 Yvmohmi hoka, yvmohmi hoka,
Il a yoshoba tok a
Kanchit e taiyalikbano,
Il ai ahni fenvshke;
Hatak ikhana vlhliha ma.
- 4 Chukvsh homona, chukvsh achukma,
Chukvsh ai ahli fena,
Chisvs il im asilhhak ma,
Et pihima hioke,
Ahli fena:—kil im asilhha.

5 Nitak kanima, nitak kanima ho,
 Nitak hopaki keyu;
 Pilli pulla he mak oke:
 Ai achukma onakmvt
 Yukpa na bilia hioke.

UBA ISHT TALOA 38. 7s.

- 1 Hatak holitopa ma,
 Hina hanta foyukvt
 Il ayashke, ai ahnit,
 Hvsh anukfihinlashke.
- 2 Hina hanta achukma
 Aya la chi pullashke;
 Moma kv̄t si akaya
 Pullakbano ahni li.
- 3 Uba 'numpuli puta,
 Chukv̄sh ahli hokv̄to
 Chisv̄s a binili ka
 Ona pulla hi oke.
- 4 Hatak pin tikba hokv̄t
 Illit pin taiyaha tok:
 Pishno kia e moma kv̄t
 Pilla ch̄i akinlishke.
- 5 Pi okchaya takla kos̄h,
 Uba Piki pulla ka,

Pi chukvsh a mominchit,
Pit il ema pullashke.

- 6 Ūba Piki pulla ka,
Mominchit pi chukvsh a,
Isht il im ilbvsha fenvt,
Iloh im asilhashke.

UBA ISHT TALOA 39. C. M.

- 1 Ūba Piki pulla hocha
Nana achukma ka
Pim apihinsa pulla na,
Yakoht il ashashke.
- 2 Ūba Piki ak keyuk ma,
Pishno akinli kv̄t,
Nan isht il ai yukpa hoka
Il ikhaiyana wa.
- 3 H̄vpi yvmohomi hokv̄t,
Holitobli fenvt,
Ahnit, iloh ai ashashke;
Hatak hv̄sh puta ma.
- 4 H̄vpi chukvsh pulla hoka,
Mominchi fena hosh,
Piki v̄ba pulla hoka,
Il ema pullashke.

5 Anumpa ilbusha fenut,
 Uba Piki yoka.
 Il im asilhha pulla cha,
 Il im antiashke.

6 Chisus abinili hoka
 Pisa li pullashke;
 Si okchaya takla hocha,
 Um vltaha tok mut,

7 Ai ahni bieka hocha,
 Pi chukush atukmut,
 Isht anukfilli fena hosh
 Iloh ai ashashke.

8 Hupi yumohmi ha tok mut,
 Uba Piki ano
 Eho pihinsa hinla kut,
 E holitoblashke.

UBA ISHT TALOA 40. C. M.

1 Hatak chi kaniohmi kut,
 Chisus pulla hoka,
 Hush anukchieto hok mut,
 Hush minti pullashke.

2 Himak nitak fena hoka,
 Chisus pulla hokut,

Pi hohoyo fena hocha,
Pi halanli hoke.

3 Chisvs achukma fena kvt
Hvpi nukhaklo hoka,
Hvpi chukvsh fena kano
Il ema pullashke.

4 Hatak kvna fena hocha,
Iki vba yoka
Anukcheto fena hok mvt,
Ola mihintashke.

5 Ik kaniohmi ho kia,
Himak a fena ka,
Um vlhpieša pullashke;
Ish ai ahni hok mvt,

6 Hatak ikhana chia mvt,
Ola hvsh mintashke:
Hatak puta, vlla moma,
Ola hvsh mintashke.

7 Himak a fena hokano,
An Chisvs fena ka
Im antia li pullashke;
Hvsh ahni pullashke.

8 Ik hvpihinlo ho kia,
 Yakni achukma ka
 Eho pihisa pulla na
 Bilia hi oke.

UBA ISHT TALOA 41. S. M.

1 Uno pulla kvto,
 Chisvs pulla hoka
 Im antia li mak ocha,
 Hikia li hoke.

2 Uba Aki yokvt
 Sa hohoyo hoka,
 Holitohombli li hocha,
 Im antia lashke:

3 Ai ahni li hocha,
 Hikia li hokvt
 Nantak ona ahni la wa;
A Miko Chisvs ma.

4 Sa okchaya tak lvt,
 Uba Aki yoka,
 Sa chukvsh pulla momint
 Ima li pullashke.

5 Okla e moma kvrt,
 Chisvs pulla hoka
 Anukchetot, holitoblit,
 Iloh ai a shashke.

UBA ISHT TALOA 42. S. M.

- 1 Chisvs pulla kvt
Pi nukhaklo hocha,
Iki Chihowa pulla ka,
Issvt aya tok osh,
- 2 Yakni lusa hoka
Ant ahanta hokvt,
Okla ilbvsha pisa mvt,
Nukhaklo tok oke.
- 3 Yvmohmi pulla mvt,
Chisvs pulla hashosh,
'Ulhtobvt svlli pullashke:'
Ahanchi tok oke.
- 4 'Kvna fena hocha
'Si anukfilli mvt,
'Si akahaya pullashke:'
Ahanchi tok oke.
- 5 Yvmohmi tok oka,
Okla e moma kvt,
Chisvs pi Shali pulla ka
Il im antiashke.
- 6 Hvpi chukvsh oka
Ahliche fena hosh,

Ūba Piki pulla hoka
Il ema pullash ke.

7 Pi okchalinchi vt
Chisvs ak banosh ke:
Nanta hak osh yvmohma wa;
Chisvs pulla hoke.

ŪBA ISHT TALOA 43. L. M.

1 Piki ūba binili ma,
Auet ish pinukh_haklashke:
Ish pi nukh_haklo keyuk ma,
Nanta kos_h pi nukhakla wa.

2 Ūba Piki Chihowa ma,
Shilombish holitopa ka
Et ish pihima pulla na,
Pi nukhtaiyala pullashke.

3 Hatak a yoshoba puta,
Hvpi yvmohmi cha tok vt,
Kanchi pi bvnna fena ka,
Auet ish pi apelashke.

4 Ūba Piki chia hoka,
Himak a nitak okvno,
Chim antia pi bvnna hosh,
Yakohmit e taloashke.

5 Ūba Piki chia hokvt,
 Auet ish pi apela na,
 Ish ai ahanta fena ka
 E pihisa mak inlashke.

6 Achukma bieka hochā,
 Ūm antia mak inlashke:
 Ish pim ai ahni pullashke,
 Ūba Piki Chihowa ma.

UBA ISHT TALOA 44. L. M.

1 Ūba Piki Chihowa mvt,
 Ik yvmohmi ish ahni na,
 Nitak hopaki fena kash,
 Hatak e toba tok oke.

2 Shilombish holitopak osh
 Ik yvmohmi ish ahni na,
 Chisvs vt toba tok oke:
 E chi ai okpahanchishke.

3 Yvmohmi pulla tok oke;—
 Chisvs Chihowa Ushi mvt,
 Chim anumpa holitopa
 Hatak ish ema tok oke.

4 Chukvsh hanta holitopa
 Auet ish pima pullashke;

Ūba 'numpa pim aya he;
Nitak holitopa fena

5 Il ahni kakosh, pi yukpa.
Himak nitak fena hoka,
Ūba Piki Chihowa ma,
Chim anumpa holitopa

6 Haklo pi bŭnna fena hosh,
Aboha hanta ilvppa,
Chim anumpeshi v̄hliha
Il ai ita famov̄shke.

7 Pit e chim anumpohonli,
Auet ish haklo pullashke:
Shilombish holitopai a
Et ish pi anukfokashke.

8 Pi chukv̄sh yoshobok pulo,—
Chishnont ish pi nukhaklashke:
Chi chukv̄sh chohmi pibana:—
Ik yvmohmi il ahnishke.

9 Hatak yoshoba shilombish
Okchalinchi chi bŭnnashke;
Ūba Piki binili ma,
Auet ish haklo pullashke.

ЎБА ИШТ ТАЛОА 45. C. M.

1 Himak nitak fena hoka,
 Ўba Piki ano,
 I nitak achukma hoka
 Eho pihisvshke.

2 Ўba Piki binili hosh
 Pihikbi tok okvt,
 Nitak achukma fena ka
 Pihim' akinlishke.

3 Iloh ai okpahanchashke,
 Ўba Piki yokvt
 Pi okchalinchi mak oke;
 Pit iloh ahnashke.

4 Ўba Piki fena hokvt,
 Chisvs pulla hoka,
 Il a okchaya he mak o,
 Ai ahnit tok oke.

5 Il i yimmi hatok mvto,
 Yakni achukma ka,
 Ўba Piki fena hoka,
 E pisa pullashke.

АФОҲА.

6 Chahta okla e moma kvт,
 Ўba Piki ano

Iloh i yimmi pullashke,
Hatak ikhana ma.

7 Uno sa fena hokvto,
Aki vba yoka
Im antia la chi hoke;—
Hvs si akaiyashke.

8 Chisvs vt hina hanta ka
Pimikbi tok oke:
E moma kv̄t kiloh ahni:
Ai okchaya hoke.

9 Chukvsh hanta fena hoka
Et ish pimakbano,
Ahnit, e chim asilhhvshke;
Ish pi nukh_haklashke.

10 Chihowa a binili ka
Im ia li hokvt,
Um achukma fena hoke,—
Il ia pullashke.

UBA ISHT TALOA 46. 8s & 7s.

1 Chisvs pi Shali chia ma,
Chi Shilombish achukma
Pi nukfoki pullakbano,
Il ai ahni fenvshke.

- 2 Chisṽs pulla fena hocha
 Pi okchalinch̃i hoke:
 Nanta kocha yvmohma wa;
 Il i yimmi pullashke.
- 3 Chihowa holitopa ma,
 Chiso pia fena kṽt
 Ai okpulo ka fena ka
 E chukoa hosishke.
- 4 Piki ma, hina hanta ka
 Et ish pima pullashke:
 Ish ai ahanta fena ka
 Ant ish pisht oyunashke.
- 5 Chisṽs chia fena kak o,
 Chimmi pia fenṽshke;
 Et ish pi okchalinchashke:—
 Ai il bṽshvt pillish ke.
- 6 Chisṽs chia pulla kako,
 E chi anukfillishke;
 Pi okchalinch̃i chia ma,
 Et ish pi nukh̃aklash ke.

UBA ISHT TALOA 47. L. M.

- 1 Uba Piki vt, 'hominti!'
 Et pi ahanchi fenṽshke:

‘Chin Chihowa sia hoka,
‘Hvs sa haiyaklo pullashke.

2 ‘Yakni achukma fena kṽt
‘Ilṽppa talaia hoke;
‘Ai okchaya fena hoke:
‘Hṽsh holitobli pullashke.

3 ‘Sa shakba pohloma hoka
‘Hṽsh foyuka pullakbano,
‘Hṽchi ahni li feñṽshke;
‘Hvs si anukchietashke.’

AFOHA.

4 Okla puta hṽchia ma,
Ůba Piki fena kano
Iloh i yimmi pullashke:
Ik ahli, iloh ahnashke.

5 Ůba anumpa fena kṽt
Nana moma i shalishke:
Eho haklo pullakbano,
Iloh ai ahni pullashke.

6 Anumpa hanta ilṽppa,
Hṽpi chukṽsh fena hoka,
Sa nukfokakbano, ahnit,
Eho pihisa pullashke.

7 Hatak ikhana chia ma,
Hina hanta achukma ka
Iloh ia pullakbano,
Hvchi ahni li fenushke.

8 Okla eho moma hokvt,
Ūba Piki pulla hoka
Pit iloh ahni pullashke;
Iloh ai okpahanchashke.

9 Hatak puta hvchia ma,
Yakni achukma fena ka
Ia hosh hikia li ka,
Hvs si akaiya pullashke.

UBA ISHT TALOA 48. C. M.

1 Chisvs vt pinukhaklo hosh.
Ant illi tok oke:
Yvmohmi hatok mak oka,
E holitoblashke.

2 Chisvs vt hina hanta ka
Pim ikbi tok oke:
Il a yakaiya he mak o,
Ai ahni tok oke.

3 Iloh im antihya mvt,
Nana achukma ka

E pihisa hinla hokvt,
Il aiyukpanchashke.

4 Piki Ūba binili hosh
Hvp ikbi tok mak o;
Il ita nohowa hokvt,
E holitoblashke.

5 Eho holitobli hok ma
Hvp ikbi tok okvt
Chukvsh achukma fena ka
Et pima hinlvshke.

ŪBA ISHT TALOA 49. L. M.

1 Piki Chihowa chia ma,
Auet ish pi nukhaklashke;
Chiso ilbvsha pia ka
Et ish pi holitoblashke.

2 Chim ilhfiopak okano
Ish pi nukfoki pullash ke:
Pishno akinli hokvto,
E chikhaiya na he keyu.

3 Piki chi holitopa ma,
Okla ilbvsha pia ka
Et ish pi nukhaklokbanano,
E chi ai ahni fenvshke.

4 Chihowa holitopa ma,
 Pi chukvsh okpulo ano
 Et ish pi kanchi pulla cha,
 Chukvsh ahli ish pimashke.

5 Yakni paknaka ilvppa,
 Il ahanta fena hokvt,
 Ilbvshat pilli fenvshke;
 Auet ish pi apelashke.

6 Anumpa ilbvsha hoka
 Pit e chim asihihla kv̄t,
 Chisvs chia pulla kak o,
 Chi yakaiya pi bvnvshke.

UBA ISHT TALOA 50. 7 & 6s.

1 Chisvs holitopa ma,
 Hatak pilbvsha kv̄t,
 Chishno pulla hokano,
 E chi hohoyoshke.
 Ai okchaya inla ho
 Ik pim iksho kak osh,
 Chisvs chia fena ka,
 E chi anukchetoshke.

2 Hatak yoshoba hoka
 Ish i hollo kak osh,
 'Ont okchalinchi lash ke;
 Ish ai ahni hokvt,

Chim a holitopaka
 Issut, ish minti cha,
 Yakni lusa iluppa
 Ant ishla tok oke.

3 Hatak yoshoba hokut
 Ai okpuloka ma
 Ihiya pulla chika,
 Ish i nukhaklo mut,
 Hatak pishno chohmi ho
 Ish toba tok o cha,
 Ilbusha fena hokut
 Ish anta tok oke.

4 'Hatak okluha hoka
 'Im aiyubali lish,
 'Ai okchaya hi oka
 'Im i hikbi lashke.'
 Ish ai ahni tok ak osh,
 Yumohmi tok mak o,
 E chi holitoblashke;
 Chisus Pi Shali ma.

5 Yakmiht ish apesa tok:—
 'Hatak okpulo yut
 'Okchaya he mak ona,
 'Ulhtobut sullashke:
 'Uno akili hokut,
 'Hatak yoshoba ka

‘Svssish pulla hokano
‘Ishit chumpa lash ke.’

6 Ik yvmohmi pulla na,
Ish ai ahni tok osh,
Chisvs chia pulla kvrt,
Il bvshvt chilli tok.
Chi nukkilli ha tok osh
Hatak vt chibi tok:
Yohmi ik nana tok kia,
Chi okchahayvshke.

7 Nitak ont atuchina
Ile okchalinchit,
Chihowa chia hokvt,
Ish tahnit tok oke.
Yvmohmi tok akinli;—
Chi yakni vba ya,
Ont ish ahanta hona
Bilihia hoke.

AFOHA.

8 Chisvs Pi Shali hokvt
Uba Miko yoke;
Achukma fena hoka,
Il ayukpanchashke.
Pi chukvsh fena hoka
Il ema pulla cha,

Pim anukfilla momint
Isht il ahninchashke.

- 9 E yvmohmi pullak ma,
Chisvs Pi Shali hv̄t
Et pi halv̄lli pullv̄t,
Pi okchalincha he.
Chisvs ai ahanta ka,
Yv̄mma il onak mv̄t,
Nan isht il ai yukpa ma
Il ashwa hi oke.

UBA ISHT TALOA 51. S. M.

- 1 Himak nitak okv̄t,
Nitak holitopa,
Piki Ūba i nitak o
Il itv̄nahashke.

- 2 Piki Ūba yokv̄t
Hv̄pi pisa hoke;
Yvmohmi pulla hoka,
Il anukfillashke.

- 3 Chihowa pulla kv̄t,
Nitak hanali ho
Hv̄pi hima tok mak oke:
E holitoblashke.

4 Ūba Piki yokvt,
Yakni achukma ka
Pim ihikbi pulla hocha,
Et pi hohoyoshke.

5 Yvmohmi pulla ma,
Chisvs pulla hokvt,
Hina hanta achukma ka
Pim ikbi tok oke.

6 Chihowa pulla hosh
Yvmohmi pullashke:—
Ai ahni tok pulla hona,
Iloh ai ashashke.

7 Chisvs pulla kano
Il im antia cha,
Yakni achukma fena ka
Eho pihisashke.

ŪBA ISHT TALOA 52. L. M.

1 Hvp̄i okchaya takla kosh,
Nana achukma hokano,
Hvp̄i chukvsh fena hoka,
Isht il anukfihinlashke.

2 Piki vba binili kv̄t,
Nana achukma fenaka

Pim ataiyali tok oke:
Iloh aiyukpahanchashke.

3 Ik pillo hosh nanta hona
E toba he keyu hoke.
Nana illi pulla kak o,
Hv pilla he biekvshke.

4 Nanta hosh yakni pakna ka
Ilvppa ahanta hokvt
Okchayvt, ahanta he vt,—
Iksho kummomi fenvshke.

5 Yvmohmi pulla ho kia,
Pim ishilombish okvto
Nitak nanta ihila wa;
Anta bilia hioke.

6 Piki Uba pulla kak o,
Iloh im antia tok mvt,
A hvpihinli ho kia,
Ik hvpillo chiyuhmashke.

UBA ISHT TALOA 53. 7, 7, 7, 5.

1 Piki Uba Chihowa
Chitokaka chia ma,
Hatak pilbvsha hokvt
E chi hohoyoshke.

Nan asilhha pia kvt,
 Anumpa ai ahli ka,
 Pit e chim anumpulit,
 Il ai asha hoke.

2 Hatak ilbusha hoka
 Ish i nukhaklo tok osh,
 Chisus holitopa ka
 Ish ema tok oke.
 Okchaya pullakbano,
 Ish im ahni tok ak o.
 Chisus chiso fena kvt
 Ulhtobvt illi tok.

3 Yvmohmi tok mak oka,
 Hatak yoshoba hokvt
 Falamvt, Iki yoka
 Pit im asilhha cha,
 A yoshoba puta ka
 Kanchit intaiya hak mvt,
 Chisus pulla tok ak o,
 Okchaya hi oke.

4 Uba Piki chia ma,
 Yoshoba pia kvto,
 Chisus chiso hokano
 Il ahnihinchi hosh,
 Chukvsh isht ai ahlika,
 Holitobli fena cha,

Il im ant iakbano,
Il ahni fenush ke.

REPEAT

Ik yurmohmi, ai ahnit,
Ish pi apela hok ma,
Pi chukush mominchi hosh
Il im antiashke.

UBA ISHT TALOA 54. C. M.

- 1 Chisus fena chia hochu,
Ulla sia hoka,
Is sa nukhaklo pullashke;
Chim ai ahni lishke.
- 2 Chim ai ahni bieka hosh
A nukhaklok muto,
Sa chukush atuk pulla ma
Fohuka pulla ho,
- 3 Yak hikia pulla li hosh,
Chisus pulla hokut,
Ulla si akohmi kia,
Ik i hollo ka wa:
- 4 Ahni bieka kash ocha,
Isht chi ataloe,
Shutik tvboka pilla ka
Pit e pihinlash ke.

5 Ulla pi fena ho kia,
 E chi ai okpanchi,—
 Ilvppa fena pulla ka,
 Ish pi nuk haklashke.

UBA ISHT TALOA 55. 7, 8, 8, & 6.

1 A holitopa yakni
 Aya la chi pulla hoke:
 Hatak, chi kanima hochā
 Ulbvl ish toba na.

2 Chi shilombish pulla kv̄t
 Nan ithana iksho hochā,
 Luv̄t ilbv̄sha he ano,
 Chik il ithanoshke.

3 Nan okpulo v̄lhliha
 Holitoblit hv̄shayashke:
 Okla puta hv̄chia m̄vt,
 Ilbv̄shv̄t chillachi

4 Uba 'numpa pulla ka
 Kiloh ithaiyana hochā,
 Shilombish holitopa ho
 Eho pihisashke.

5 Ūno pulla hokv̄to,
 Sa shilombish pulla hoka

Holitomblit, Aki pulla
Pit i hima lashke.

6 Himak nitak fena ka,
Ik h̄vpi nuktaiyala cha,
Oklushi eho moma k̄vt,
H̄vpi okchayvshke.

7 Ūba 'numpa't mihinti;
Ik h̄vpim v̄lhtaiya hochā,
Chis̄vs holitopa hona,
Il a okchayashke.

8 Piholo fena hochā,
Ant ihinli tok pullvshke:
Ūno sa fena hokvto
Sa nukhahakloshke.

9 Issish holitopa hō
Ant pihima tok pullvshke:
Iloh ai okpahanchashke:
Ūba hatak oke.

10 Hatak hikia moma,
Chis̄vs holitopa pulla,
At ihia tok pulla ka
Il i yakayashke.

11 Ūba yakni achukma
Tikba aya la chi pulla;

A yakni issut ia hosh,
Yak hikia lishke.

12 Aki vba binilit,
Auet sa halanli fenut,
Uba yakni, talohowat,
Chukoa la chishke.

13 Aki holitopa ma,
Anumpa ilbrsha fena,
Isht e chi aiokpanchishke;
Ilrppash im vqli.

DOXOLOGIES.

L. M.

Iki Chihowa fena ka,
Ushi Chisus aiena ka,
Shilombish holitopa ka,
Iloh ai okpahanchashke.

C. M.

Iki, Ushi, puyula kvt,
Shilombish,—moma kvt
Chihowa achvfa hoke:
Iloh ahninchash ke.

S. M.

Iki Chihowai a,
Micha Ushi yoka,
Micha Shilombish pulla ka
E holitoblashke.

Another S. M.

Iki, Ushi yokvt,
 Shilombish, moma kv̄t
 Chihowa achv̄fa hoke
 Il oh ahninchashke.

H. M.

Ūba Piki okvt,
 Ushi Chisv̄s fena
 Shilombish, achi kv̄t
 Chihowa mak oke.
 Pi chukv̄sh a mominchi hosh,
 Isht il ai okpahanchashke.

INDEX OF SUBJECTS.

N. B.—The figures direct to the hymns.

<i>Atonement of Christ,</i>	24, 50, to the pause.
<i>Anxious Seat, inviting to the,</i>	4, 40
<i>Awakening and Inviting,</i>	9, 17, 21, 27
<i>Broad and Narrow Way,</i>	34
<i>Candidates, hymn to be sung just before their baptism,</i>	14
<i>Children, advice to,</i>	35
————— for the use of,	54
<i>Church, in reply to the candidates,</i>	15
<i>Concert, monthly,</i>	32, 33
<i>Evening,</i>	30
<i>Exhortation to repentance, 39, and 47, from the pause.</i>	
————— to praise the Lord,	48
<i>Farewell,</i>	29
<i>Funeral occasions, or social worship, plaintive,</i>	38, 52
<i>Father Heavenly, prayer to,</i>	43
<i>Gospel, recommending the</i>	10

<i>Individuals</i> , suitable for	5
'I am Jesus' soldier,'	3
'O when shall I see Jesus,'	20
'O Jehovah, thou art mine,'	23
'I give my soul to God,'	28
'I will serve Jesus,'	41
<i>Jehovah</i> , speaking to men, 47, to the pause.	
<i>Morning</i> ,	31
<i>Penitential</i> ,	16
'Lord pity us helpless sinners,'	49
<i>Sabbath</i> ,	13, 44,* 45,† 51,
<i>Salvation</i> , way of,	37, 42, 50
<i>Saviour</i> , praise to,	11
———— prayer to,	12
———— 's address to sinners,	22
———— sufferings of	34, 50
(See <i>Atonement</i> .)	
<i>Sin</i> , confesssion of, and	
<i>Supplication</i> for pardon,	25, 36
'Our hope is in thee, O Jesus,'	46
<i>Worship</i> , public,	1, 8, 18, 26
———— Social,	2, 6, 7, 18†
'Children of the Heavenly King,'	19

* The 44 may be sung at other times, omitting the 4th, 5th, and 6th verses.

† The 45 may be sung at other times from the pause.

‡ Omitting the 6th and 7th verses, except in public.

A TABLE OF FIRST LINES.

	PAGE
A holitopa yakni,	73
<u>A</u> ki Chihowa ma, <i>S.</i>	41
Chahta okla hvpia kv̄t, <i>C.</i>	33
Chihowa Chitokaka ma, <i>P.</i>	43
Chihowa holitopa ma, <i>L.</i>	32
Chis̄vs achukma Chis̄vs achukma,	49
Chis̄vs achukm̄shke, <i>H.</i>	15
Chis̄vs fena chia hoch̄a, <i>C.</i>	72
Chis̄vs holitopa ma, 7 & 6,	65
Chis̄vs im anumpa hoka, <i>S.</i>	37
Chis̄vs Pī Shali chia ma, 8 & 7,	60
Chis̄vs pulla kv̄to, <i>S.</i>	55
Chis̄vs vt pinukhaklo hosh, <i>C.</i>	63
Hatak chi kaniohmi kv̄t, <i>C.</i>	52
Hatak holitopa ma, 7's,	50
Hatak hv̄sh puta ma, <i>P.</i>	23
Hatak pī kana puta ma, 8 & 7,	21

TABLE OF FIRST LINES.

81

Himak a nitak fena ka, <i>L.</i>	9
Himak a nitak fehna ka, <i>P.</i>	31
1 Himak nitak fena hoka, <i>C.</i>	25
2 Himak nitak fena hoka, <i>C.</i>	35
3 Himak nitak fena hoka, <i>C.</i>	59
4 Himak nitak fena hoka, <i>L.</i>	46
Himak nitak fena kano, <i>C.</i>	12
Himak nitak okvt, <i>S.</i>	68
Himak onnahinli hoka, <i>C.</i>	42
Hvpi okchaya takla kosh, <i>L.</i>	69
Iloh iti bapishi ma,	39
Nitak hollo moma kak osh, <i>L.</i>	18
Nitak nanta fena ko, 7 & 6,	28
Okla eho moma hokvt, <i>L.</i>	34
Okla e momakvt il itvnaha, 11s,	5
Okla e puta pia kvrt, 8 & 7,	6
Okla moma haponaklo, <i>P.</i>	13
Okla puta hatō, <i>S.</i>	11
Okla pi kanima hokvt, <i>C.</i>	8
Okla puta pia hatō, <i>L.</i>	10
Piki Chihowa chia ma, <i>L.</i>	64
Piki holitopa, <i>P.</i>	47
Piki vba binili ma, <i>L.</i>	56
Piki vba Chihowa, <i>P.</i>	70

Sa shilombish ato, <i>S.</i>	38
Ūba anumpa 'to, <i>H.</i>	15
Ūba anumpuli, <i>H.</i>	17
Ūba Chihowa ma, <i>P.</i>	44
Ūba Miko pulla ka, 7s,	27
Ūba 'numpa hanta kvt mihintishke, 11 & 8,	30
Ūba Piki binili ma, <i>L.</i>	22
Ūba Piki Chihowa mvt, <i>L.</i>	57
Ūba Piki okchaya, 7s,	19
Ūba Piki pulla hochā, <i>C.</i>	51
Ūba Piki vt hominti, <i>L.</i>	61
Ūlla puta hūchia ma, <i>L.</i>	46
Ūno fena kvt Chisvs a, <i>C.</i>	7
Ūno pulla kvtō, <i>S.</i>	54

VERSES OF SCRIPTURE.

JEREMIAH 38: 20.

Okla hvsh moma kv̄t Chihowa im anumpa hvchimanumpohonlili ka holitoblit hvsh im antiakbano, hvchi ai ahni li fen̄vshke. Hvchi yvmohmikm̄v̄t nana ka hvchim achukma hi oke. Yvmohmikma hvchi shilombish v̄t okchaya hi oke.

EZEKIEL 33: 11.

Uno Chihowa Chitokaka sia hv̄t sai okchaya moma kv̄t, hatak yoshoba illi hoka isht v̄m ai achukma keyushke. Hatak yoshoba hokv̄t falamacha okchayashke; hvsh falamashke, hvsh falamashke; nanta katiohmi hona hvsh illa chi cho? ahanchi hoke.

JOHN 3: 3.

Hatak v̄t atuklant v̄tta keyukm̄v̄t, Chihowa v̄ba avehlich̄i ya pisa he keyushke.

MATTHEW 3: 2.

Oh ile kostin̄inchi, Ūba-Miko im anumpa hv̄t olanlosi v̄la hoke.

JOHN 3: 16.

Chihowa hokvto okla puta moma hoka i hollo
hochā, ushi yvmmak bieka tok kia auct ihima
kuno;—kuna hochā Chisvs ano iyihimmikmvt,
ik illo hochā, okchayvt bilia he tuk oke.

36 VERSE.

Yvmohmi ka, kuna hochā Ushi yoka iyihimmi
kvto, nan okchaya mak ona ahauchishke: amba
Ushi yoka i yimmi hokvto nan okchaya pisa he
keyushke; yvmohmi ma Chihowa yokvt a shitile-
ma he bieka he mak oke.

Kuna hia avvt ant vm vlakma, shitilema la
he keyu hoke; Chisvs Kilaist vt, hatak yoshoba
pishno chohmi ka, et pim ahanchishke. Yvmoh-
mi hoka pi chukvsh fena ka isht iloh im ona cha,
hvpi okchaya pullashke.

